

IMAQARNILIAQ SAA- Sanarfinermut Avatangiisinullu Ataatsimiititaq 18-09-2023

Ulloq ataatsimiiffissaq Mandag 18. september 2023 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Paamiuni tinutitittarfiup suliarineqarnerata naammassineqarnissaa.....	6
Angalanermit nalunaarusiap malinnaaffigineqarnera.....	9
Nuummi akunnittarfiit inissisimaffii.....	16
Inissiaqarfinni ulloq unnuarlu paaqqinnittarfiit.....	19
Kommunimut pilersaarummut tapiliussap 4C7-1 Unaaq, Nuuk inaarutaasumik akuersissutigineqarn 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut :	22
2023-mut Pilersaarusionermit Periusissap inaarutaasumik akuerineqarnera.....	25
2023-mut Pilersaarusionermit Periusissap inaarutaasumik akuerineqarnera.....	28
Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tam Tasiilami B-51-mik nutaamik inissiineq.....	33
Tasiilami B-51-mik nutaamik inissiineq.....	36
Kommunimut pilersaarummut tapiliussassatut siunnersuut 1A18-3 C E Janssensvejimi inissiaqarfik	39
Kommunimut pilersaarummut tapiliussaq 3C9-1, Inuussutissarsiateqarfik mittarfiup qanittuaniittoq	42
Kommuneqarfik Sermersuup aamma Københavns Kommuniata akornanni illoqarfittut ikinngutigii	45
Lukket.....	48
Lukket.....	49
Taasariaqartut allat.....	50
Imaqarniliap akuerineqarnera.....	51

Punkt .: Saqqaa

Ilaasortat

Pele Broberg (N), *formand*

Uju Petersen (IA)

Lone Rosengreen Pedersen (IA)

Naya Sophia Pedersen Lyberth (IA)

Justus Hansen (D)

Peter Davidsen (S)

Dines Mikaelen (S)

Beslutning

Peqataasut:

Uju Petersen (IA)

Lone Rosengreen (IA)

Doris J. Jensen (S)

Oqarasuaatikkut peqataavoq:

Justus Hansen (D)

Peqataasinnaanaitit nalunaartut:

Pele Broberg (N)

Peter Davidsen (S)

Naya Sophia Pedersen Lyberth (IA)

Dines Mikaelen (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Pilersaarusionerq Oqartussaaffeqarfillu:

1. Nunaminertanut oqartussaaffeqarfik NIN pillugu sulisorsuutiginnippoq, suliamillu suliaqartarnek tamatuma tallimariaammik sivisunerulersittarpaa.
2. Pilersaarusionerq immikkoortortamit Nuummi Illuliortaaseq pillugu pisuttuarnek oktobarip aappaani illuliortaaseq pillugu ulloqartitsinermi saqqummersissavaa. Taanna naqitaaraavoq Nuummi illoqarfiup qeqqani illuliortaatsimut tunngasunik imaqartoq, taannalu innuttaasunut sullissivimmi Tupilak Travelimilu pissarsiarineqarsinnaassaaq.
3. Sanaartugassanut tunngasunik suliaqarnek sulis ingerlarsorluarfiuvoq.

Ingerlatsineq, Avatangiisit Attaveqaasersuutillu:

1. Kangilinnguini salinissaq pillugu Arsummi innuttaasunik ataatsimiititsineq
2. Munck mittarfimmi asfalteruilluni kinguaattooqqavoq, tamannalu kommunimi 2023-mi asfaltiterinissamut kinguaattoortitsivoq.
3. Aalisarnek pillugu isumasioqatigiisitsineq septembarip 21-ani 22-ani Nuummi pissaaq. Tamatuma kingorna Tasiilami Paamiunilu isumasioqatigiisitsisoqassaaq.

Sanaartorneq:

1. Oqaaseqaateqartoqanngilaq. Sanaartorerup annertuseruttorfiani ulapaartoqarpoq.

Upalungaarsimaneq:

1. Oqaaseqaateqartoqanngilaq. Upalungaarsimanermi immikkoortumut pilersaarutip akuersissutigineqarnera naammagisimaarneqarluarpoq.

Punkt 1: Paamiuni tinutittarfiup suliarineqarnerata naammassineqarnissaa

Beslutning

Inassuteqaat akuersissutigineqarpoq.



Paamiuni tinutittarfiup suliarineqarnerata naammassineqarnissaa

Ilisimatitsissut

SagsID.: EMN-2023-03410

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliamik saqqummiineq

Kommunalbestyrelsimi ilaasortaq Dorthe-Marie Mogensen-Fontain (S) ulloq aggustip 15-ianni 2023-mi Kommunalbestyrelsimut aalajangiiffigisassanngorlugu Paamiuni tinutittarfiup suliarineqarnerata naammassineqarnissaa pillugu siunnersuummik nassiussivoq. Dorthe-Marie Mogensen-Fontainip siunnersuutigaa, suliaq pilersaarusiornikkut aningaasaliisoqarneratigullu naammassiniarneqassasoq. Kommunalbestyrelsimi amerlanerussuteqartut ulloq aggustip 29-anni ataatsimiinnermi aalajangerput, suliaq Sanarfinermut Avatangiisinullu Ataatsimiititami misissorneqassasoq, tamatumalu kingorna Kommunalbestyrelsip oktobarimi ataatsimiinnerani saqqummiunneqarluni.

Ingerlatsivimmi isumaqartoqarpoq, suliaq taamanikkut pilersaarutaasutut ingerlanneqarsimasoq. Entreprenøri naapertorlugu siusinnerusukkut qaartiterinnermi qaartiterutip annertussusissaatut isumaqatigiissutaasoq naapertorlugu qaartiterineq pilersaarutaasutut ingerlasimasoq. Umiatsianut minnernut tinutittarfioreersutut sinaakkusersorneqaranilu qisunnik iigalersorneqanngilaq. Taamanikkut aalisartut ingerlatsivimmiullu akornanni isumaqatigiinngissutaasimagunarami tinutittarfik umiatsianit qanoq angitigisunit atugassaassanersoq. Tamanna tunngavigineqarsinnaavoq suliaq naammassineqarsimanngitsutut aalisartunit paasineqarneranut.

Qaartiterekqittoqarnissaanik kiisalu tinutittarfiup angallatinut anginernut 42 fodi tikillugu angissusilinnut atorneqarsinnaanngorlugu allineqarnissaanik kissaatigineqartup malinneqarnissaa ajornassanngikkaluarpoq. Tinittarnera ulittarneralu pissutaallutik suliaq suliarisarnissaanut entreprenørip ullormut akunneq ataasiinnaq atortarsinnaavaa nalilerlugulu 250.000 - 300.000 koruunit missaani akeqassasoq. Aki taanna qaartiterinissaannartaanut tunngavoq. Sinaakkutissanut iigalernissaanullu qisuttassanut aningaasartuuteqaqqissinnaaneq ilanngunneqanngilaq. Kissaatigineqarpat akinik allanik ujartuisoqarsinnaavoq. Sinaakkutissartaanut qisunnillu iigaliinissamut tunngasortai missingersuutitigut matussutissaqassanersut qulakkeerneqanngikkaluartoq ukioq manna suliarineqarsinnaassaaq imaluunniit ukiumut missingersuusiorfiusumut kingusinnerusumut utaqqisinneqarsinnaalluni.

Ingerlatsivimmit aningaasatigut sulisoqarnikkullu naliliinerit

Ingerlatsivimmi nalilernerqarpoq, tinutittarfimmik allamik pilersitsinissamut 1 meterimik qaartiterinissaq 250.000 - 300.000 koruunit akornanni akeqarsinnaasoq. Kommunalbestyrelsimit tamanna kissaatigineqarpat immikkut aningaasaliissutissat piniarnermut aalisarnermullu aningaasaliissutinit pissarsiariniarneqarsinnaapput. Itinerulersinneqarnissaanut aningaasatigut matussusiinissamut maannakkut atorneqarsinnaasuniit matussutissaqarpoq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Aalisarneq pillugu inatsisartut inatsisaat nr. 18, 31. oktober 1996-imeersoq

Ilangussat
Soqanngilaq.

Punkt 2: Angalanermit nalunaarusiap malinnaaffigineqarnera

Beslutning

Inassuteqaat akuersissutigineqarpoq.

Bilag

Angalaneq pillugu nalunaarusiaq



Angalanermit nalunaarusiap malinnaaffigineqarnera

Ataatsimiititaq angalavoq ulluni 15. - 17. maaji 2023

Ilisimatitsissut

SagsID.: EMN-2023-03232

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliamik saqqummiineq

Aningaasaqarnermut Inuusutissarsiornermullu Ataatsimiititaq aamma Sanarfinermut Avatangiisinullu Ataatsimiititaq ulluni 15. - 17. maaji 2023-mi ataatsimoorlutik Nuummi, Kapisilinni aamma Qeqertarsuatsiaani angalapput. Matumani Ingerlatsiviup nalunaarusiamut malinnaatitsineq suliaaraa pilersaarutit assigiinngitsut qanoq ingerlaneriniq nassuiaateqarumalluni. Allattorsimaffimmi pilersaarutit amerlanersaat aallartinneqanngikkunik ineriartortinneqarput, allallu politikeriniit sanaartugassatut kissaatitut siuartinneqarsinnaapput. Taakkua saniatigut assigiinngitsunik pilersaaruteqarpoq assigiinngitsut pissutigalugit piviusunngortinneqarsinnaanngitsunik.

Pilersaarutit tamarmik qanoq ineriartortinneqassasut nalunaarsorsimapput, angalanermit nalunaarusiami angalareernerup kingorna quppernerit normulersorneqarput kiisalu immikkoortoqarfik sorleq pilersaarummik malinnaatitsissanersoq allassimasarluni. Pilersaarutit ingerlatsiviit allat akisussaaffiisa ataanniittut malinnaaffigineqanngillat.

Pilersaarummut allattorsimaffik (nunaqarfik)	Ineriartortitsinnissamut kissaat	Qupperneq	Immikkoortorta qarfik	Malinnaatitsineq
Kapisillit				
Paasiniaasarfik	Pilersinneqarnera	4	Aningaasaqarnermut Inuusutissarsiornermullu Ataatsimiititaq	Sanarfinermut Avatangiisinullu ingerlatsivimmit malinnaasoqanngilaq
Pinnguartarfik	Nutarterineq		Sanarfinermut Avatangiisinullu Ingerlatsivik	Peerneqarpoq. Nutaamik nassiussisoqarnissaata utaqqineqarpoq.
Kuuffissualersuineq atuarfik	Pilersinneqarnera	4	Sanarfinermut Avatangiisinullu Ingerlatsivik	Sanaartugassatuut kissaatigineqarsinnaavoq.
Oqaluffiup silataani majuartarfiit	Nutarterineq	4	Ingerlatsineq aalisarnerlu	Pisortatigoortuunngitsumik neqerooruteqartoqarpoq, tamannali entreprenørimit itigartinneqarluni.



				Misissuineq ingerlavoq.
Ulloq unnuarlu paaqqinnittarfik	Meeqqat paarineqarnissa annut ilinniarsimasunik sulisoqarneq	5	Meeqqanut Atuarfeqarnermu Ilu Ataatsimiititaq	Sanarfinermut Avatangiisinullu ingerlatsivimmit malinnaasoqanngilaq
Sannavimmut qaqisariaq	Nutarterineq	5	Sanaartukkanut immikkoortoqarfik	Qaqisarissap iluarsanneqarnissa annut pilersaarutit aallartipput.
Nuussuarmut aqput	Pilersinneqarnera	5	Sanarfinermut Avatangiisinullu Ingerlatsivik	Massakkut aningaasaliissutigine qartut kangerluup qinnguani illuaraliorfissatut pilersaarusiortifigineq artumut tamanillu aqputigineqartussamut aqqusinniornissamut tapiissutitut agguanneqarput. Aningaasat nunalerinermut tapiissutitut atorineqarsinnaapput savaatiliullu ujaraaqqanik aqqusinniornissaq isumagalugu, soorlu Kommune Kujallermi ilisimaneqartutut. Sulisussaaleqineq pissutigalugu suliaq ingerlatsivimmit ingerlateqqinneqanngilaq.
Inissaaleqineq	Inissiat nutaat suliffimmut attuumassuteqanngitsut	6	Pilersaarusiortineq oqartussaaffeqarfillu	Sanaartugassatuut kissaatigineqarsinnaavoq.
Iseritsip inissiaatai	Nutarterineq	6	Pilersaarusiortineq oqartussaaffeqarfillu	Iseritsip akisussaaffia, sanaartornissamilli kissaateqartoqarsinnaavoq.
Pitsanngorsaaneq/puttasooq nutaaq	Pilersinneqarnera	7	Ingerlatsineq aalisarnerlu	Illup sullissiviup pilersaarutigineqarnera paasiniaqqaarneqasaaq.



Aqquserngit sinerlugit kuserngit	Pilersinneqarnera	7	Ingerlatsineq aalisarnerlu	Sanaartugassatuut kissaatigineqarsinna avoq.
Eqqagassalerineq	Eqqaavissuup nuunneqarnissa	7	Ingerlatsineq aalisarnerlu	Pisariaqartinneqarnera paasinarpoq, tamannali pillugu ingerlatsivik massakkut pilersaaruteqanngilaq.
Perusersartarfimmut tunngasut, kuutsittakkat	Pilersinneqarnera	7	Sanarfinermut Avatangiisinullu Ingerlatsivik	Sanaartugassatut kissaatigineqarsinna avoq, tassanili Nukissiorfiit imermik kuinnartumik tunniussisinnaanera pisariaqarpoq.
Perusersartarfiit tamanut ammasut	Pilersinneqarnera	7	Sanarfinermut Avatangiisinullu Ingerlatsivik	Sanaartugassatut kissateqarnikkut illu sullissivimmi pilersinneqarsinnaavoq.
Tamanit eqqaavigineqarsinnaasut	Pilersinneqarnera	7	Ingerlatsineq aalisarnerlu	Nunaqarfimmi eqqaaveqareerpoq tamanit atorneqarsinnaasunik. Siunissamut pilersaarutitut nalilersuineq 2024-mut kissaatit allattorsimaffiannut ilanngunneqarsinnaavoq.
Illup sullissiviup atortui	Imermut kissartumut imiisivik anginerusoq	7	Sanaartukkanut immikkoortoqarfik	Pisariaqartitsineq paasinarpoq, ingerlatsivimmilli taarserneqarnissaa massakkut pilersaarutigineqanngilaq.
Qeqertarsuatsiaat.				
Sannavimmut wire aamma krani	Nutaaq/iluarsaasineq	9	Ingerlatsineq aalisarnerlu	Massakkut iluarsaanneqareerpoq. Krani nutaaq pillugu massakkut misissuisoqarpoq.
Piniartut illuaraat	Misissuineq: Atuisartut akiliuteqartarnerannut taarsiullugu	9	Ingerlatsineq aalisarnerlu	Akit akit allattorsimaffianniittut politikerinit aalajangersarneqartarput.



	kvardratmeterim ut aki			
Pinnguarterfik	Iluarsaassinerit: Taseqqamik imaarutsitsineq	9	Ingerlatsineq aalisarnerlu	Pitsanngorsaanissa mut pilersaarutit. Sioqqanik/ujaraaqqanik 2024-mi aningaasaliineq.
Qatserisartoqarfik, immikkut imermik pilersuineq	Pilersinneqarnera	9	Upalungaarsimasut	Immikkut imermik pilersuineq massakkuugallartok pilersaarutaanngilaq , upalungaarsimasun ullu immikkoortumut pilersaarummi tamanna illoqarfimmi immikkut sillimaffigineqarpoq.
Qatserisartoqarfiup kalerrisaarinermut siggartaatai	Nutaanik kalerrisaarinermut siggartaatinik ikkussuineq	9	Upalungaarsimasut	Immikkut kalerrisaarinermut siggartaatit pilersaarutaanngikka llarput, upalungaarsimaner mulli immikkoortumut pilersaarummi tamanna illoqarfimmi sillimaffigineqarpoq.
Qatserisartoqarfiup sungiusartarfia/eqqagas salerinermut aaqqiissut	Misissuineq	9	Upalungaarsimasut	Immikkut qatserinermut sungiusartarfik massakkuugallartok pilersaarutaanngilaq , tamannali upalungaarsimasut pillugit immikkoortumut pilersaarummi illoqarfimmi sillimaffigineqarpoq.
Eqqaavissuaq	Eqqaavissuup imaarnissaa	10	Ingerlatsineq aalisarnerlu	Torersaaneq 2023- mi aggustimi pivog.
Sunngiffimmi ornittagaq	Nutarnerineq, ingerlatsinermut aningaasat	10	Meeqqanut Atuarfeqarnermu llu Ataatsimiititaq	Nutarsaaneq 2024- mi nutartigassatut kissaatit pilersaarusiorneqarn erinut kissaatigineqarsinna avoq.



Meeqquerivik	Nutarterineq, sulisunik amigaateqarneq	10	Meeqqanut Atuarfeqarnermu Ilu Ataatsimiititaq	Nutarsaaneq 2024-mi nutartigassatut kissaatit pilersaarusiorneqarn erinut kissaatigineqarsinna avoq.
Tanki imikumik katersuivik	Nutarterineq	10	Sanaartukkanut immikkoortoqarfik	Imikumik katersuivik taarsersorneqarluni aallartinneqarpoq. Naammassillugu suliarineqassaaq aamma kabelit qerinnaveequitillit ikkussorneqassapput.
Inissiat	Iseritsip suleriusii nunaqarfinnut naleqqussarneq assapput	10	Pilersaarusiorneq oqartussaaffeqarfillu	Iseritsip akisussaaffia, sanaartornissamilli kissaateqartoqarsinna avoq.
Kuuffissualersuineq, aquittarfiit kuutsittakkat	Pilersinneqarnera	12	Sanaartornermut Immikkoortortaqarfik	Sanaartugassatut kissaatigineqarsinna avoq, tassanili Nukissiorfiit imermik kuinnartumik tunniussisinnaanera pisariaqarpoq.
Eqqagalerineq (ingerlatsisinnaanermut allagartamik nalornissuteqarneq)	Sulisunik piukkunnarsaneq	12	Ingerlatsineq aalisarnerlu	Ajornartorsiut Ingerlatsivimmit ilisimaneqarpoq sulisullu ingerlaavartumik pikkorissarniarneqartarput.
Atuarfimmi oquk	Nutarterineq	12	Sanaartornermut Immikkoortortaqarfik	Tulliani R&T rengøring nunaqarfimmukarpat atuarfiup oqoqarnera misissorneqassaaq.

Ingerlatsivimmit aningaasatigut sulisoqarnikkullu naliliineq

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Ataatsimiititap suleriaasia



Ilangussat

1. Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap 2023-mi Nuummi nunaqarfinnilu angalanerannit angalanermit nalunaarusiaq

Punkt 3: Nuummi akunnittarfiit inissisimaffii

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Nuummi akunnittarfinnut inissiiffissaasinnaagunartut

Nuummi akunnittarfiit inissisimaffii

Inissisimaffissaannut siunnersuut, innuttaasunik peqataatitsineq ingerlanerlu

Ilisimatitsissut

SagsiD.: EMN-2022-09179

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

Suliamik saqqummiineq

Nuummi akunnittarfiit inissiffissaannut siunnersuummut atatillugu innuttaasunik akuutitsinerup inernerla Sanarfinermut Avatangiisinullu Ingerlatsivimmit matumuuna saqqummiunneqarpoq.

Akunnittarfinnut inissisimaffissatut Kommuneqarfigami siunnersuutigineqartut soqutigisaqaqatigiit assigiinngitsut siunnersuuteqarnerisigut alutornassuseqartutut naleqarneri aamma isertunut misigisaqartitsisinnaaneri minnerunngitsumillu illoqarfimmut ataqatigiissarneqarnissaa tunngavigalugit saqqummiunneqarsimapput. Ingerlatsivimmit erseqqissaatigineqarpoq, takornarialerinerimik ineriartortitsineq illoqarfiup innuttaasullu ineriartortinneqarnerat naapertorlugu pissasoq. Taamaattumik inissisimaffissatut siunnersuutigineqartut tamarmik immikkut piukkunnaateqarput.

Akuutitsinerimi inissiiffissat arfinillit innuttaasunit Kommuneqarfiga aqutugalugu isummerfigineqarsinnaasut pineqarput. Ingerlatsivimmi paasineqarpoq, kommunimiit Facebookikkut saqqummiunneqartut innuttaasunit oqaaseqarfigineqarsimasut taakkuli tusarniummut akissutitut tunngasunik ingerlatsivimmi suliaqarnermi ilaatinneqarsinnaanngillat. Kommuneqarfiga aqutugalugu akissutit 25-upput, taakkunungalugu atatillugu ingerlatsivimmi ima inerniliisoqarluni:

1. Inissiivissatut innuttaasunit piukkunneqarnerpaajupput 3 Samuel Kleinschmidt Aqquaa, 5 Mittarfimmi akunnittarfik aamma 6 Qinngorput
2. 2 Saqqarliit akerliuffigineqarnerpaajuvoq

Akunnittarfiit inissinneqarnissaannut tunngasunik akuutitsinerimut atatillugu innuttaasut tikkuusseqataasinnaapput. Nutaatut inissat tallimat siunnersuutigineqarput, ilaatigut pineqarlutik sumiiffiit arlallit pilersaarutissatut qinnuteqaatinik akuersissuteqarfioreersut.

Matuma siuliini pineqartut tunngavigalugit akunnittarfinnik inissiivissat ingerlatsivimmit iluarsiissuteqarfigineqarput (ilanngussaq 3)

Sulinerup ingerlateqqinnera

Sulinerup ingerlateqqinnerani Nuummi akunnittarfiutillit attuumassuteqartut soqutigisaqaqatigiillu ataatsimiitinneqassapput. Soqutigisaqaqatigiit tassani periarfissinneqassapput inissiiviusinnaasunik toqqarneqarsimasunik oqaaseqarfiginninnissaminnut kiisalu akunnittarfiuteqarnissamut piukkunnarsinnaasunik sumiiffiusinnaasunik siunnersuuteqarsinnaallutik.

Tamatuma kingorna sumiiffiit pilersaarummut tapiliussaliorfiusinnaasunik ingerlatsivimmi allattuiffiliortoqarsinnaavoq, tassuuna nunaminertanik atorneqariaannaasunik aamma/imaluunniit siunertamut siunissami pilersaaruteqarnermi qinnuteqarfiusinnaasunik nalunaaruteqarsinnaanissaq periarfissaasinnaaqqullugu. Kingullermut tunngatillugu inatsisitigut periarfissaatitsisumik aaqiisoqarnissaa pisariaqassaaq.

Tassungalu ilutigalugu sumiiffinnik ataasiakkaanik suliarinnittoqarnikuuvoq:

Inissisimaffik 4 Tuapannguit isuanni. Pilersaarummut tunngavissamik nutaamik suliaqartoqarpoq, taannalu tamanut tusarniaassutigineqareerpoq. Taamaalilluni nunaminertaq kommunalbestyrelsimit aggustip 29-ani akuerineqariarpat atorneqariaannangortutut saqqummiunneqarsinnaalissaaq.

Inissisimaffik 5 Mittarfimmi akunnittarfik: Pilersaarummut tunngavissamik immikkut suliaqartoqarnikuuvoq, taannalu mittarfiup nalaani akunnittarfiliortoqarsinnaaneranut periarfissaqalersitsivoq. Pilersaarummut tapiliussatut siunnersuut mittarfiornissamut akuersissummik pigisaqartut suleqatigalugit pivoq. Pilersaarummut tapiliussaq tamanut tusarniutigineqareernerpat politikikkullu akuersissutigineqareeriarpas nunaminertaq atorneqarsinnaasutut saqqummiunneqassaaq.

Innuttaasunik, soqutigisaqaaqatigiinnik inuussutissarsiutilinnillu akuutitsineq
Innuttaasut, soqutigisaqaaqatigiit inuussutissarsiortullu illoqarfiup ineriartortinneqarneranut peqataanissaat pingaaruteqarpoq, aamma kommunimi pilersaarusionermit najukkami pissutsit qanoq ittuunersut pillugit ilisimasaqarnissaaq pingaaruteqarluni. Taamaattumik ingerlatsiviup, siunissami allaffissornikkut sulinermini inissisimaffissat avammut saqqummiunneqarnerinut atatillugu soqutigisaqaaqatigiit ataatsimiitinneqarneritigut akuutitsinermit siunnersuutit tiguneqartut ilanggullugit suliarissavai. Ingerlatsivik politikerinut ilisimatitsillattaassaaq.

Ingerlatsivimmit aningaasatigut sulisoqarnikkullu naliliinerit

Qulaani pineqartunik suliaqarnermi sulisoqarnikkut qanoq sunniuteqarumaanerannut suliniutit qassit nalilersorneqassanersut apeqqutaassapput siunissamilu ungasinnerusumi kommunimut pilersaarummut tapiliussaliatut suliarineqartassallutik.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionermeq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanggussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Nuummi akunnittarfinnut inissiiffissaasinnaagunartut

Punkt 4: Inissiaqarfinni ulloq unnuarlu paaqqinnittarfiit

Beslutning

Suliaq oktoberimut kinguartinneqarpoq.

Bilag

Suliarinerani nutaamik ingerlariaaseqarnissamik siunnersuut

Inissiaqarfinni ulloq unnuarlu paaqqinnittarfiit

Inissiaq ataaseq qassinik najugaqarfiussanersoq pillugu suleriaaseq

Aalajangiiffigisassaq

SagsID.: EMN-2023-02133

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- inissiaqarfinni inissiamik atuineq allatut najugaqatigiiffittut atorneqarnissaanut qinnuteqaatit suliarineqarneranni nutaamik najoqqutassiarineqartut pillugit tamanut tusarniaassutitut siunnersuut akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuusutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ataatsimiititap inissiaqarfinni inissiamik atuineq allatut najugaqatigiiffittut atorneqarnissaanut pillugu nutartikkanik najoqqutassiorneqarnissaa kissaatigimmagu, matumuuna tassunga tunngatillugu siunnersuut saqqummiunneqarpoq.

Tunuliaqutaasoq

Ingerlatsivik inissiaqarfinni inissiap allatut atorneqarnissaanik qinnuteqaatinik amerliartuinnartunik tigusaqartarpoq inissiatut siunertamiit ulloq unnuarlu paaqqinnittarfittut atorneqartussanngorlugit. Ingerlatsiviup piumasaqaatigaa qinnuteqartoq pilersaarutitut siunnersuummik nassiusaqaassasoq, imaappoq meeqqat/inuusuttut qassit illumi najugaqassanersut pillugit, ajornanngippat sumi inissinneqarsimanerat aammalu qassinik sulisoqassanersut nassuiaateqarluni. Taanna eqqaamiorisanut tusarniaassutigineqassaaq Sanarfinermut Avatangiisinullu Ataatsimiititami politikikkut suliarineqalinnginnerani. Ingerlatsiviup Nuummi ulloq unnuarlu paaqqinnittarfiit nalunaarsorpai, tassanilu malinnaaffigineqarsinnaavoq illoqarfiup suani inissisimanersut.

Suliamik suliaqartarnermi nutaamik periusissatut siunnersuut

Ingerlatsivimmit siunnersuutigineqarpoq, siunissaq eqqarsaatigalugu inissiaqarfimmi ulloq unnuarlu paaqqinnittarfik ataaseq 25-nik najugaqartoqarsinnaasoq pillugu najoqqutassiorortoqassasoq: Taamaaliornikkut najugaqarfiit ilusiligaanermikkut allanngortinneqannginnissaat qulakkeerneqassaaq. Taamaalilluni atuinermik allanngortitsinissamik qinnuteqaat suliarineqarnissaa sioqqullugu, matuma siullinut tunngasut eqqarsaatigalugit tamanullu tusarniutigineqarnissaa sioqqullugu sumiiffimmi paaqqinniffiit qassiuneri misissorneqaqqaassaaq. Taamatut ingerlariuseqarnerup kingunerissavaa, sumiiffiit liminaq aamma Nigerleq ulloq unnuarlu paaqqinniffinnik marlunnik aamma pingasunik peqarsinnaanerat.

Ingerlatsivimmit siunnersuutigineqarpoq, qinnuteqaatit politikikkut suliarisarunnaarlugit qinnuteqaatit allat assigalugit suliarineqartassasut. Ingerlatsivimmit erseqqissaatigineqarpoq, suleriaatsimi ulloq unnuarlu paaqqinnittarfiit kisimik pineqarmata - meeqqeriviit pineqaratik.

Tunngaviusumik allannguutissaq pineqarmat, ingerlatsiviup siunnersuutigaa taanna najoqqutassiani allaqqaassasoq kommunimut pilersaarummi oqaasertalersimaneratut, taannalu sapaatit akunnerini arfinilinni tusarniaassutigineqassasoq. Ilanngussaq 1 takuuk.

Ingerlatsivinnit allaniit oqaaseqaatigineqartut

Meeqqanut Atuarfeqarnermullu Ingerlatsivimmit naapertuutsinneqarpoq, siunissami ulloq unnuarlu paaqqinnittarfiit inissiaqarfinni inissisimasut allatut atorneqarnissaat qinnutigineqaraangat tamatumani inuit agguataarsimanerat eqqarsaatigineqartassasoq, taamaalilluni ulloq unnuarlu paaqqinnittarfiit illoqarfiup ilaani imaluunniit atuarfiit eqqaanni katersuuteqqunagit.

Meeqqanut Atuarfeqarnermullu Ingerlatsivik suliamut allanik oqaaseqaatissaqanngilaq.

Ingerlatsivimmit aningaasatigut sulisoqarnikkullu naliliinerit

Ingerlatsiviup nalilerpaa suliap nutaamik ingerlariaaseqalerneratigut suliamik ingerlatsineq sivikillineqassasoq, qinnuteqaatit politikikkut suliarineqartarunnaassappata. Taamaaliornikkut suliamik ingerlatsineq sivikinnerulersinneqassaaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Suliarinerani nutaamik ingerlariaaseqarnissamik siunnersuut

Punkt 5: Kommunimut pilersaarummut tapiliussap 4C7-1 Unaaq, Nuuk inaarutaasumik akuersissutigineqarnera

Beslutning

Inassuseqaat akuersissutigineqarpoq.

Bilag

Tusarniaanermut akissutininik suliaqarneq

Kommunimut pilersaarummut tapiliussaq 4C7-1 Unaaq Nuuk



Kommunimut pilersaarummut tapiliussap 4C7-1 Unaaq, Nuuk inaarutaasumik akuersissutigineqarnera

Aalajangiiffigisassaq

SagsID.: EMN-2023-00043

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- kommunimut pilersaarummut tapiliussap 4C7-1 Unaaq, Nuuk akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliamik saqqummiineq

Sanarfinermut Avatangiisinullu Ingerlatsivimmit kommunimut pilersaarummut tapiliussap 4C7-1 Unaaq, Nuuk matumuuna saqqummiunneqarpoq. Kommunimut pilersaarummut tapiliussap 4C7-1 Unaaq siunnersuutitut sapaatip-akunnerini arfineq-pingasuni tamanut tusarniaassutigineqarnikuvoq, piffissami juulip 5-ianiit aggustip ulluisa 30-nut 2023. Piffissami tusarniaaffiusumi tusarniaanermut akissuteqaatinik tigusaqartoqanngilaq, suliffeqarfimmiilli aaqtitassanik aaqqiissuteqartoqarpoq. Tamanna ilanngussaq 1-imi takuneqarsinnaavoq.

Kommunimut pilersaarummut tapiliussap pilersaarusiornermut siunnersuut Unaaq – Qinngutsinni nutaamik inissialiornissaq, piffissami 02. marsi – 27. aprili 2022-mi tamanut tusarniaassutigineqartoq kommunalbestyrelsimillu 30. aggusti 2022 akuersissutigineqartoq, tunngavigalugu suliarineqarpoq.

Matumani kommunimut pilersaarummut tapiliussami immikkoortoq C nutaaq, Nuummi Qinngutsinni inissianut inuussutissarsiutinullu mingutsitsisuunngitsunut, atugassiissutigineqarpoq. Immikkoortoq illoqarfiup qeqqa pioreersoq nangillugu atugassiissutigineqarpoq, tassanngaanniillu inissiaqarfiillu Suloraq, Pinguaraq aamma Igimaq akornanni ikaarsaarfittut pilersinneqarpoq.

Aqqusineq pioreersukkut Unaakkut immikkoortumut aqquteqassaaq, taanna pilersaarummik ineriartortitsinissamut periarfissiinissamut avammut tallineqassammat.

Sanaartorfissat katillugit tallimat atugassiissutigineqassapput, quleriit assigiinngitsuussallutik sisamaniit arfinilinnut. Sanaartorfissami immikkut ataatsimik illuliortoqarsinnaavoq, taakkulu pingasunik ataatsimut sanaartukkanik illutaqassapput. Illuni init quleriit allersaat 50%-imik ammasutut sanaartorneqassapput, illup silataanik matuneqassanngillat. Taamaalilluni nunataatigut angallattoqarsinnaalissaaq, biilit unittarfiinik qulisanik sanaartortoqarsinnaalissaaq ilaallu ilanngullugit.

Illuliornikkut inissianik ataasiakkaanik 100-nik kiisalu inuussutissarsiornissamut periarfissanik arlalinnik, inissialiornermut ataqatigiissarsinnaasunik, sanaartornissamut periarfissaqalissaaq. Matumani inuussutissarsiutit mingutsitsisuunngitsut nipiliorfiunngitsullu pineqarput. Cafeqassappat/neriniartarfeqassappat unnuami nipiliorfiussanngillat.

Pilersaarutip ilaatut qaqqajunnakkut aqqusineeraliortoqarsinnaavoq, taamaasilluni Suloqqap Igimallu akornatigut aqquteqalissaaq. Silami sukisaarsaartarfiit amerlanerusut pilersinneqassapputaaq, tassunga ilanngullugit pinnguartaarfiit, uninngaartaarfiit ilaallu ilanngullugit.



Kommunimut pilersaarummut tapiliussassatut siunnersuummik 4C7-1-imik akuersinikkut kommunimut pilersaarummut tapiliussani 4A4 - 2, 4A5-2/4A5 - 3 aamma 4C6 - 1 immikkoortumut aalajangersakkat allassimasut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matuminnga kommunimut pilersaarummut tapiliussassaliorneq pilersaarummit piginnittumit isumagineqarpoq. Ingerlatsivimmit pitsaassutsimik qulakkeerinninneq, siunersieqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatiit

- Pilersaarusionerit aamma nunaminertat atornerartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Kommunimut pilersaarummut tapiliussaq 4C7-1 Unaaq Nuuk

Punkt 6: 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut inaarutaasumik akuersissutigineqarnerat

Beslutning

Inassuteqaat akuersissutigineqarpoq.

Bilag

Immikkoortup ilaa 30D6-imut Naasuliartarpi/Blomsterdalen, Tasiilaq, pingaarnertut aalajangersakkat nutaat

30D6-imut, Naasuliartarpi/Blomsterdalen, Tasiilaq, aalajangersakkt nutaat siunnersuutigineqartut inaarutaasumik akuersissutigineqarnerat

Aalajangiiffigisassaq

SagsID.: EMN-2023-01842

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Tasiilami immikkoortup ilaa 30D6-imut Naasuliartarpi/Blomsterdalen pingaarnertut aalajangersakkt akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissanngorlugu ingerlateqqinneqassasq

Suliamik saqqummiineq

Sanarfinermut Avatangiisinullu Ingerlatsiviup immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkt nutaat matumuuna saqqummiuppai. 30D6-imut Naalusilartarpi/Blomsterdalen aalajangersakkt siunnersuutit sapaatit akunnerini arfineq-pingasuni tamanut tusarniaassutigineqarput, piffissami 2023-mi juulip ulluisa 5-ianniit aggustip ulluisa 30-ata tungaanut. Tusarniaanermut killiliussap iluani akissutinik tigusaqartoqanngilaq.

Immikkoortup ilaa ullumikkut sanaartorfioqqusaanngitsutut, sukisaarsarfittut immikkoortut toqqagaavoq atorneqarnissaa pinngortitaassutsimisut ittuussasq aalajangersagaalluni. Immikkoortumi 3-nik illoqarpoq, tamarmik kuup qanittuani inissisimapput, taamaalillunilu illoqarfittut inissisimavoq. Pingaarnertut aalajangersakkt nutaat pillugit siunnersuummi immikkoortoq sukisaarsarfissatut aalajangersimaneqaannarpoq, kisianni periarfissiisoqarpoq illut pioreersut allangortinneqarsinnaanerinit, tassunga ilanngullugu akunnittarfittut siunertalinnut. Ullumikkut Kommunitum pilersaarummi, immikkut pisoqartillugu, immikkoortoq D-mi akunnittarfiliorsinnaaneq illuaralorsinnaanerlu periarfissaavoq, immikkoortullu ilaata pingaarnertut aalajangersagartaanik allanngineq taamaalilluni naapertuutilissaaq.

Sumiiffimmi illut pioreersut ilaat ullumikkut nungullarsimapput atorneqaratillu. Illuutigineqartut siunertanut allanut atorneqartussanngorlugit allangortinneqarnerisigut sumiiffiup sukisaarsarfissatut naleqarnera qaffatsinneqassaaq aammalu suliffinnik isumalinnik pilersitsinissaq annertusaaqataaffigissallugu.

Aalajangersakkt nutaat naapertorlugittaaq sukisaarsaarnermut ilagitillugit sanaartukkat pingaanginnerit naleqquttuusinnaapput, naatitsiviit, ikaat, qimminut illuaqqat assigisaallu, sukisaarsartarfittut siunertanut ilaatinneqartut.

Aalajangersakkt nutaat akuersissutigineqarnerisigut aalajangersagaareersut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkt nutaat siunnersuusiorneqarnerat pilersaarusiorneqarnermut immikkoortoqarfiup pilersaarutaasumik ingerlatsineranut ilaavoq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusiorneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Ilanngussat

1. Immikkoortup ilaa 30D6-imut Naasuliartarpi/Blomsterdalen, Tasiilaq, pingaarnertut aalajangersakkat nutaat

Punkt 7: 2023-mut Pilersaarusionermut Periusissap inaarutaasumik akuerineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Pilersaarusionerni periusissiaq 2023 – Sermersooq, najugaqarfigalugu pitsaasoq, akuerineqassasoq

Tunngaviusumik nalunaarut



2023-mut Pilersaarusiornermut Periusissap inaarutaasumik akuerineqarnera

Sermersooq, najugaqarfigissallugu pitsaasoq

Aalajangiiffigisassaq

SagsID.: EMN-2022-01694

Sanarfinermut Avatangiisinullu Ingerlatsivik – pisortaqa Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Pilersaarusiornermi periusissiaq 2023 – Sermersooq, najugaqarfigalugu pitsaasoq, akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliamik saqqummiineq

Matumuuna Sanarfinermut Avatangiisinullu Ingerlatsiviup 2023-mi Pilersaarusiornermi periusissiaq saqqummiuppaa – Sermersooq, najugaqarfigissallugu pitsaasoq. Pilersaarusiornermut periusissiaq siunnersuutitut sapaatip-akunnerini qulini piffissami 24. maaji - 2. agusti 2023-mi, tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit tiguneqarput, taakkulu oqaaseqatigiinnik annikitsunik allannguuteqartitsinermik kinguneqarpoq. Tassani ataasiakkaanik kingunerisassanik iluarsaassisoqassaaq, tassunga ilanngullugu innuttaasut amerlassusaannik kiisalu sumiiffinni assigiinngitsuni procentikkaartumik qaffariaatinik/appariaatinik nutarterisoqassaaq.

Pilersaarusiornermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2023-imi apriliip qiteqqunnerani) Pilersaarusiornermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusiornermi suut qitiutinneqassanersut.

Pilersaarusiornermut periusissiami allaaserineqassapput, pilersaarusiornermut periusissiap kingullermik nutarterneqarneraniilli susoqarsimanersoq aammalu ukiuni sisamani tulliuttuni kommunalbestyrelse sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq,
2. kommunimut pilersaarummi sammisami ataatsimi amerlanerusuniluunniit iluarsaassisoqassasoq,
3. kommunip nunataani sumiiffiit ilaannut iluarsaassisoqassasoq, imaluunniit
4. kommunimut pilersaarut ukiuni sisamani atuuttussanngorlugu nutaamik akuerineqassasoq

Ingerlatsivimmit pilersaarusiornermut periusissami uani innersuutigineqarpoq kommunimut pilersaarummi sammisami ataatsimi amerlanerusuniluunniit iluarsaassisoqarnissaa akuersissutigeqqullugu.



Kommunalbestyrelsip 2022-imi novembarip ulluisa 28-anni ataatsimiinnerani workshoppertitsisoqarpoq, tassanilu pilersaarusiornermut periusissiaq ingerlatsivimmit saqqummiunneqarpoq, tassanilu isumassarsiortoqarlunilu anguniagassanik nutaanik siunnersuusiortoqarpoq. Taakku pilersaarusiornermut periusissiami matumani ilanngunneqarput.

Aaqqiissutissatut siunnersuut – suliatigut naliliineq
Pilersaarusiornermut periusissiaq 2023 – Sermersooq, najugaqarfīgissallugu pitsaasoq piujuartitsisumik ineriartortitsinermi pingasuusunik tunngaveqarpoq tassaasut, aningaasaqarnikkut, inooqatitaanikkut avatangiisitigullu piujuartitsineq. Kommunitum pilersaarutip iluarsaateqqinnissaanut siunnersuutit taakku pingasuusut pingaarnertut naleqartitatut siunnersuutigineqarput.

Pingaarnertut naleqartitat ingerlatsinissami qitiutinneqartussat arfiniliusut makkuupput:

1. Tamanut inissiat pitsaasut
2. Meeqqat inuusuttullu inuunerat pitsaasoq
3. Sullivimmi avatangiisit pitsaasut
4. Sunngiffimmi inuuneq pitsaasoq
5. Attaveqaatit pitsaasut
6. Ataatsimoorfiusut pitsaasut

Qitiutillugit suliaqarfissat ataasiakkaat tamarmik siunertani iliuutsinilu uuttorneqarsinnaasumik piviusunngortinneqassapput. Taamaasilluni pilersaarusiornermut periusissiaq siunissami suliaasaqarfinni qitiutitani ataasiakkaani siuarsaanermi uuttortaanissamut tunngavissiissaaq.

Anguniakkat iliuuserisassallu Naalagaaffiit Peqatigiit nunarsuarmi anguniagaanut tunngatitaapput, taamaalilluni Kommuneqarfik Sermersuumi qanoq piujuartitsinermik suliaqartarnerput minnerunngitsumillu siuariaataasunik angusaqartarsimanitta uuttorneqartarnissaanut takussutissiamik pilersitseqqittoqassaaq.

Pilersaarusiornermut Periusissiami Nunarsuaq tamakkerlugu anguniakkanut ukununga malitaqarpoq:

3. Peqqissuseq atugarissaarnerlu
4. Ilinniartitaaneq pitsaassusilik
5. Suaassutsit akornanni naligiinneq
6. Imaq minguitsoq atortulersuutillu
7. Nukissiutit ataavartut
8. Suliffiit pitsaasut aningaasaqarnerlu inerikkiartortoq
10. Naligiinnginneq annikinnerusoq
- 11: Illoqarfiit inuiaqatigiillu piujuartitsiffiusut
12. Akisussaasumik atuneq tunisassiornerlu
16. Eqqissineq, naapertuilluarneq sullissiviillu patajaatsut
17. Suleqatigiinnikkut anguniagaqarneq

Tunngaviusumik nalunaarussiaq suliarineqartareerpoq, tassani pilersaarusiornermut periusissap qanoq suliarineqarnera allaaserineqarluni. Tunngaviusumik nalunaarusiattaq imarivaa immikkoortut inatsisinik tunngavillit, tassani ilaapput:



- Kommunimut pilersaarutip nutarterneqarnerata kingulliup killiffia
- siunissami ineriartortitsinissamut apeqqtut pingaarnerit allaaserineri
- periusissiami nutaami kingornagullu kommunimut pilersaarummi sammeneqartussat nutaat pillugit innersuussut

Ingerlatsiviup Pilersaarusionermut periusissiaq 2023 atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulineri atugassatut tigussaasut atorneqartussamik. Allatut oqaatigalugu allaaserisaq tassaassaaq, kommunip sumut ingerlaniarneranik pilertortumik nassaassaqarfusoq, taamaalillunilu siunissami immikkoortunut pilersaarusionermi tunngaviliisuususaalluni.

Kommunalbestyrelsip suleqatigiinnissamik isumaqatigiissutaani (Kommuneqarfik Sermersooq - kommune illoqarfittut pingaarnersaq siuariartorfusoq) kommune suli assigiinngisitaarnermut inissaqartitsinera pingaartinneqassaaq, kikkulluunniit tikilluaqqusaasutut misigissapput taamaasilluni ilaqutariit ilusilersugaanerata inuillu ukiui apeqqutaatinnagit tikilluaqqusaallutik. Kommuneqarfik Sermersooq najugaqarfittut tamanut pitsaasuusaaq

Kommunimut pilersaarummi digitaaliusumi Sermersooq2032. www.kp.sermersooq.gl-imi Kommuneqarfik Sermersooq pitsaasumik pilersaarusionermut sakkussaqarpoq, kommunip pingaarnertut ineriartornissaanut ikorfartuutaasumik. Taamaattumik Sanarfinermut Avatangiisinullu Ingerlatsiviup ataatsimiititamat innersuussutigaa, qitiutitassat nutaat kommunimut pilersaarummi periusissiami ineriartortitsinissamut ilanngunneqassasut aammalu Nutarternissaanik aalajangernissami allaaserineqartutuut kommunimut pilersaarummi suliniutigineqartussat ilaasa nutarterneri kisimik suliarineqassasut. Aallunniagassatut suliniutissatut nutaatut siunnersuutigineqartut immikkoortut killilersukkanut ataasiakkaatut pilersaarutiniit kommune tamakkerlugu periusissiornermi pilersaarusionermut tunngasuupput. Arlaqartut ingerlatsiviit arlallit suleqatigiissinnerisigut suliarineqassapput, ilaallu Sanarfinermut Avatangiisinullu Ingerlatsivimmi tunngaviligaallutik.

Ingerlariaqqinnissaq

Matumani Pilersaarusionermut periusissiaq 2023 Sermersooq, najugaqarfigissallugu pitsaasoq inaarutaasumik akuersissutigineqarpat Pilersaarusionermut periusissiaq P18 kiisalu Nunarsuarmi piujuartitsinermut ineriartortitsinermullu periusissiaq atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Pilersaarusionermut periusissiap suliarineqarnera ingerlatsiviup pilersaarutaasa ataavartut ilagivaat aammalu ukiut marluk nalingisa missaani suliaalluni.

Suliffeqarfirmut Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppernarsaatillit

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut



3. Pilersaarusionerni periusissiaq 2023 – Sermersooq, najugaqarfigalugu pitsaasoq, akuerineqassasoq
4. Tunngaviusumik nalunaarut

Punkt 8: Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussatut siunnersuut 3A3-9 Kangillinnguit, Nuuk

Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tamanut tusarniaaneq

Aalajangiiffigisassaq

SagsID.: EMN-2023-01447

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ingerlatsivimmit kommunimut pilersaarummut tapiliussatut siunnersuut 3A3-9 Kangillinnguit sapaatip-akunnerini arfineq-pingasuni tusarniaassutigineqarnissaa akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A3-9 Kangillinnguit, Nuuk, matumuuna saqqummiunneqarpoq.

Immikkoortup ilaa 3A3 Nuup avannamut kitaaniippoq, Kangillinnguit ilaaniippoq, tamanilu illoqarfimmi atuuffinnik arlalinnik neqerooruteqarpoq pinngortitamut illoqarfimmullu qanittuulluni, ineqarfissatullu assut pilerigineqartuulluni.

Kommunimut pilersaarummut tapiliussaq una suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilerinartuunera attanneqarniassamat. Pilersaarutit tunngavigisatut atuuttoq tallimanik assigiinngitsunik kommunimut pilersaarummik tapiliussamik imaqarpoq, amerlanerillu atuutilersinneqarneranniit nutarternikuunngillat piffissamullu maanna naleqqukkunnaarlutik. Immikkoortumi aalajangersakkat kommunimut pilersaarummut tapiliussamat ataatsimut katersorneritigut nutarterneritigullu, sanaartukkanut pioreersunut pilersaarummut tunngavigisap annertussusaa ersarissarneqassaaq.

Kommunimut pilersaarummut tapiliussap imarai immikkoortumi pitsaassutsinut nassuiaat kiisalu inissiat qanoq allilersinnaanerannut aalajangersakkat siunissamullu qularnaarineq, saniatigullu illut ilusaat immikkoortup ilaaniittut ilisarnaataat immikkuullarissusaallu eqqarsaatigineqarlutik

Matumani kommunimut pilersaarummut tapiliussami inissiat pioreersut allilernerqarnissaannut, aneersuartarfiit pioreersut allilernissaannut, kiisalu naatsiviliornissamat aamma nerisassiornermullu atugassamik naatsiviliornissamat periarfissiisoqarpoq. Tamatuma saniatigut lppiarsuk puiguttortunut immikkoortortamik ilallugu allilernerqarnissaanut pilersaaruteqartoqarpoq. Pilersaarummut tunngaviusumi utoqqaat illuanik alliliinissamat sanaartorfissamik marlunnik atugassiisoqarpoq, taamaalilluni immikkoortumi killeqarfik allilernerqassaaq.

Ingerlariaqqinnissaq

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussamat 3A3-9 Kangillinnguit, Nuummik siunnersuutip uuma akuersissutigineqarneratigut immikkoortumut 3A3-mut kommunimut pilersaarummut tapiliussat atuuttut tamarmik atorunnaassapput:

Illoqarfimmut pilersaarut 3.00: Kangillinnguit Timaat, Illoqarfimmut pilersaarut 3.02: Paarnani inissiat 175-it, Illoqarfimmut pilersaarut 4.05: Avaalaaqiaq, Illoqarfimmut pilersaarut 3A3.7 Attartup Timaa & Kommunimut pilersaarummut tapiliusaaq 3A3-8 Ammassat.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussatut siunnersuut 3A3-9 Kangillinnguit, Nuuk

Punkt 9: Tasiilami B-51-mik nutaamik inissiineq

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Inissiffissatut siunnersuutigineqartoq

Tasiilami B-51-mik nutaamik inissiineq

Aalajangiiffigisassaq

SagsID.: EMN-2022-01590

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- B-51-ip iluarsaanneqarneranut atatillugu nutaamut inissinneqarnissaanut sanaartorfissamik nutaamik siunnersuut akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup illup eqqissisimatitap B-51-ip iluarsaanneqarneranut atatillugu nuunneqarnissaanut siunnersuut, matumuuna saqqummiuppaa. Siunnersuummi pineqarpoq siunertamut aalajangersimasumut sanaartorfissamik nutaamik atugassiisoqassasoq. Inissiffissatut siunnersuutigineqartoq tusarniaassutigineqarpoq najukkami soqutiginninneq qulakkeerniarlugu. Tamatumunnga atatillugu tusarniaanermut akissut ataaseq tiguneqarpoq.

Tasiilami B-51 1894-imi sananeqarpoq eqqissisimatitaallunilu, taamaattumik illumik piginnittup akisussaaffigaa illu oqaluttuarisaanermilu naleqassusaa isumannaassallugit (Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersumi § 22 naapertorlugu). Kommuneqarfik Sermersooq B-51-imik piginnittuuvoq taamaattumik ingerlatsiviup matumuuna saqqummiuppaa illup siunissami iluarsaanneqarnissaanut atatillugu nuunneqarnissaanut siunnersuut.

Ingerlatsiviup nalilerpaa B-51-ip massakkut inissisimaffigisaa siunissami ajornartorsiutaalissasoq, aqquernup illup toqqammavianiit portunerusumiittup qanittuani illu inissisimammatt. Tamanna isumaqarpoq illu aputinut katersuuffiusorujussuusoq aputillu aannerani immattoortartorujussuulluni ilaalu ilanngullugit.

Taamaattumik ingerlatsiviup Nunatta Katersugaasivia suleqatigalugu illup allamut nuunneqarnissaanut periarfissaqarnerasoq misissorpaa. Siunissami inissisimavissaani sanaartorfissamik immikkoortitsisoqarnikuunngimmat ingerlatsiviup inissisimavissamut siunnersuut tamanut tusarniaassutigaa. Tassunga atatillugu tusarniaanermut akissummik ataatsimik tiguisoqarpoq, tamannalu ingerlatsiviup saniatigut aqqusineramik allanngortitsinissamut periarfissanik misissuinissaanik kinguneqarpoq. Pitsaanerpaamik iluarsisuteqarnissaq qulakkeerniarlugu saniatigut immikkut ingerlanneqassaaq.

B-51 immikkoortup ilaani 30C1 Tasiilami illoqarfiup qeqqani inissisimavoq, illoqarfiullu pisoqartaanut aqquernup akianiittumut *Ujuaap Aqqutaa* ilaalluni.

B51-imut illoqarfimmi sungaartumik nalunaarsukkami allassimavoq:

“Ajoqersuiartortitap illugeqqaagaa B-51, taaguute-qartinneqartoq "Kastellet" taasariaqarpoq assigiin-ngitsunut marlunnut atorineqarsimasutut, tassa

quersuaaqqatut aammalu inuit najugaqarfissaattut. Illu napparneqaqqaaramili sunut tamanut atornegartuarsimavoq. Ukiuni makkunani allaffittut atorneqarpoq. Sananeqaqqaarami quassuttooqarpoq imminnut najurnmisunik silataagut sallilikkersugaalluni, silatirni gullu immikkut, sallilikkat qaavisigut, sukalersugaalluni anorimut illersuutissanik. Ullumikkut silataa salliligaqarpoq, ullumikkullu igalaavi matualu nutaajupput. Amrnassalimmi illut siullersaattut, aammalu ukiif-fiusussatut sanaasimasutut suli atasutut, illu taanna oqaluttuassa qarluarnermigut pingaaruteqarluarpoq.”

Inissisimavissatut siunnersuut sapaatit akunnerini arfineq-pingasuni tamanut tusarniaassutigineqarpoq.

Ingerlatsivimmit aningaasatigut sulisoqarnikkullu naliliinerit

Inissisimavik nutaaq akuerineqarpat sulisoqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pingaaruteqannngilaq.

Inatsisitigut tunngavissaq allakkallu tunngaviumik uppernarsaatillit

- Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
- I Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. 5, 12. juni 2019-imeersoq (Nunami allanngutsaaliukkami Kalaallit Nunaata Avannaani aamma Kangiani illersuinermit aalajangersakkat sukannerulerersitat, illunik aserfallatsaaliineq iluarsaasarnerlu pillugit malittarisassani erseqqissaaneq aamma kulturikkut kingornussat sumiiffinni kulturikkut oqaluttuarisaanermut tunngasut inissisimaffigisaanni ingerlatat sunniutaasa nalilersorneqartarneri)
- Pilersaaruserneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Inissiffissatut siunnersuutigineqartuq

Punkt 10: Kommunimut pilersaarummut tapiliussassatut siunnersuut 1A18-3 C E Janssensvejimi inissiaqarfik, Nuuk, pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussassatut siunnersuut, 1A18-3 C E Janssensvejimi inissiaqarfik



Kommunimut pilersaarummut tapiliussassatut siunnersuut 1A18-3 C E Janssensvejimi inissiaqarfik, Nuuk, pillugu tamanut tusarniaaneq

Aalajangiiffigisassaq

SagsID.: EMN-2023-02688

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ingerlatsivimmit siunnersuut kommunimut pilersaarummut tapiliussassatut 1A18-3 C E Janssensvejimi inissiaqarfik, Nuuk, pillugu sapaatip-akunnerini arfinilinni tamanut tusarniaassutigineqarnissaa akuersissutigineqassasoq.
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummut tapiliussassatut siunnersuut 1A18-3 C E Janssensvejimi inissiaqarfik, Nuuk, Sanarfinermut Avatangiisinullu Ingerlatsivimmit matumuuna saqqummiunneqarpoq.

Pilersaaruteqarfik 1A18 2,6 hektarit missaani annertutigaaq, Nuummi illoqarfiup qiterpasissuani Myggedalenip/Qaqortup aamma Qernertunnguit akornanni inissisimasoq. Kommunimut pilersaarummut tapiliussami immikkoortup nunataa killeqarfilersorneqarnera aamma pingaarnertut atuuffia inissianut siunertanut kiisalu immikkuualuttut marluk allanngortinneqanngillat. Kujataatungaa immikkuualuttoq A pioreersunik inissiertalik. Avannaatungaani immikkuualuttoq B-mi imminut attanneqarsinnaasunik misiligutinik inissialiortoqarsinnaavoq.

Misileraalluni sanaartorneq ima paasineqassaaq:

- Nutaanik imaluunniit allaanerusunik sanaartoriaaseqarneq, sanaartukkanik ilusileeriaaseqarneq aamma ingerlatsinermi asarfallatsaaliinermilu periuseqarneq, tassunga ilanngullugit kaajallaasitanik aamma najugaqariaatsinut nutaanut aaqqiissutissat
- Misileraalluni sanaartorneq avatangiisinut, inuuniarnikkut aamma/imaluunniit aningaasaqarnermut tunngasunik ilisimasatigut iluaqutaassaaq
- Tamatuminnga ilisimasaqalernerneq takussutissarsineqarsinnaassaaq suliffeqarfimmiillu attuumassuteqanngitsumiit uuttortarneqarsinnaassalluni
- Misileraalluni sanaartorneq atoqqinneqarsinnaasuussaaq Kalaallit Nunaannullu tulluarsarlugu siammarneqarsinnaasuussalluni
- Inerneru tamanut takuneqarsinnaasuussaaq, inuiaqatigiinnut iluaqutigineqarsinnaaqqullugu

Qaqortumi nutaamik sanaartornermi pingaartumik eriagisariallit sanaartukkallu pioreersut eqqumaffigineqassapput. Taamaattumik isikkuisa ilaannut naleqqussagaassalluni.

Siunnersuut sapaatip akunneri arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuutip 1A18-3 akuersissutigineqarneratigut kommunimut pilersaarummut tapiliussaq 1A18-2 atorunnaarsinneqassaaq



Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunitumut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Ilanngussat

1. Kommunitumut pilersaarummut tapiliussassatut siunnersuut, 1A18-3 C E Janssensvejimi inissiaqarfik

Punkt 11: Kommunimut pilersaarummut tapiliusseq 3C9-1, Inuussutissarsiteqarfik mittarfiup qanittuaniittoq, Nuuk, pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussassatut siunnersuut 3C9-1, inuussutissarsiteqarfik mittarfiup qanittuaniittoq

Kommunimut pilersaarummut tapiliusseq 3C9-1, Inuussutissarsiateqarfik mittarfiup qanittuaniittoq, Nuuk, pillugu tamanut tusarniaaneq

Aalajangiiffigisassaq

SagsID.: EMN-2023-02420

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatineqarpoq:

- Kommunimut pilersaarummut tapiliusseq 3C9-1, Inuussutissarsiateqarfik mittarfiup qanittuaniittoq, Nuuk, sapaatit akunnerini arfineq-pingasuni tamanut tusarniaassutigineqarnissaa akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C9-1 Inuussutissarsiateqarfik mittarfiup qanittuaniittoq, Nuuk, matumuuna saqqummiunneqarpoq.

Mittarfissuartaassamut atatillugu pilersaarummut tapiliusseq una immikkoortup ilaa nutaaq 3C9 pilersinneqarpoq. Immikkoortup ilaa qaqqap Quassussuup (Lille Malene) paavaniippoq. Immikkoortoq avannamut killeqartinneqarpoq ukunannga 3E5 mittarfiup eqqaaniittumit aamma 4D2 Sisorartarfiup eqqaaniittumit, kujataatungaani Borgmester Anniitap Aqquserna, kangiatungaani qaqqap 4D11 qaqqap qaavata qingartaraanit, taavalu kitaatungaani 3E5-mut mittarfiup eqqaanut.

Kommunimut pilersaarummut tapiliusseq suliarineqarpoq Nuummi mittarfiup qanittuaniittoq immikkoortup ineriartortinneqarnissaa qulakkeerniarlugu. Kommunimut pilersaarummut tapiliussamut ilanngullugu immikkoortup ilaa 3C9 atugassiissutigineqarpoq inuussutissarsiuuteqarfinnut mittarfeqarfimmu attuumassuteqartunut qitiusoqarfittut siunertanut atorsinnaasoq, tamakkununnga ilanngullugit: allaffiit, lagerit aammalu quersuit, angallassissutit attaveqaasersuutillu, ilioraaffiit, amerlasuunik pisiniarfiit, biilnik cykkilinillu atukkiussisarfiit, taxanut bussinillu inaaliisarfiit, nerisassanik pajuttuisarfiit, takornarialerisut/angalatitsiviit, akunnittarfiit, neriniartarfiit, café, ataatsimeersuartarfiit assigisaallu.

Kommunimut pilersaarummut tapiliussami matumani sanaartorfissat atugassiissutigineqarput immikkut atuuffeqartussat tamakkununnga ilanngullugit: mittarfiup eqqaani biilit uninngasarfiinut, mittarfimmik suliarinnittussamik piginnittup allaffeqarfissaanut aammalu mittarfiup akunnittarfissaanut. Tamatuma saniatigut periarfissaassaaq Illerngit 2001-ip aamma mittarfiup biilinut uninngasarfiata mittarfiullu illutaata akornanni pisummik ikaarfissamik sanasoqarnissaa.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussatut siunnersuutip matuma 3C9-1 Inuussutissarsiateqarfik mittarfiup qanittuaniittoq akuersissutigineratigut taarserneqassaaq kommunimut pilersaarummut

tapiliussami 3E5-5-imi aalajangersakkat 3C9-1-imi immikkoortup ilaani killilersuutitut tunngasortaanut ilanngunneqartut.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusionerit aamma nunaminertat atornerartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussassatut siunnersuut 3C9-1, inuussutissarsiuqarfik mittarfiup qanittuaniittoq

Punkt 12: Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Beslutning

Inassuteqaat akuersissutigineqarpoq.

Bilag

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqsissut

Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinnissamik isumaqatigiissuteqarneq pillugu nassuiaat



Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Aalajangiiffigisassaq

SagsID.: EMN-2023-02155

Suliffeqarfimmut Kiffartuussivik – Ole Jakobsen / OJAK

Inassuteqaat

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasooq
- illoqarfiit pingaarnersaasa marluusut akornanni ataatsimut suliniutissatut siunnersuutit suliarineqassasut
- siunnersuutit Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissanngorlugit ingerlateqqinneqassasut

Suliasamik saqqummiussineq

Aggustip ulluisa 25-anni 2022 Københavns Kommuniani borgerrepræsentationimi aalajangerneqarpoq, Københavni Rådhusalimi Naalagaaffeqatigiinni erfalasut pingasut atorneqartalissasut, erseqqissaatiginiarlugu Naalagaaffeqatigiinnermi nunat naligiissut pingasut imminnut ataqatigiinnerat. Tassunga atatillugu Københavns Kommunimit kissaatigineqarpoq Naalagaaffeqatigiinnermi illoqarfiit pingaarnerit pingasut suleqatigiinnissaat annertusarneqassasooq illoqarfittut ikinngutigiiittut suleqatigiinnissamik inaarutaasumik isumaqatigiissuteqarnikkut, Københavns Kommuniata Overborgmesteriata Sophie Hæstorp Andersenip Borgmesterimut Avaraaq Olsenimut pisortatigoortumik qaaqquusissutaa innersuussutigalugu (takuuk llanngussaq 1).

Kissaatigineqarpoq, illoqarfiit pingaarnerit pingasut suleqatigiinnerisa annertusarneqarneratigut illoqarfiit iluaquserneqassasut kulturikkut isumassarsioqatigiittarnikkut, pigiliutiinnakkanik annikillisaanikkut, ilisimasanik avitseqatigiinnikkut aammalu ataatsimoortumik piujuartitsinermik ineriartortitsinikkut. Tamanna pissaaq illoqarfiit pingaarnerit akimorlugit suliniutinik eqqarsaqatigiinnikkut.

Københavns Kommuniani sulianut ingerlatsiviit suleqatigiinnissamut suliniutissat pillugit siunnersuusiorsimapput suliasaqarfiit arlallit akimorlugit, taakkulu politikikkut sulianut tunngasuni ataatsimiititaliani akuersissutigineqarsimapput (takuuk llanngussaq 2). Taamatuttaaq Kommuneqarfik Sermersuumi politikikkut ataatsimiititat ataavartut suleqatigiinnermi suliniutissatut siunnersuutinik allanik, suliasaqarfimminnut tunngasunik, suliaqaqquneqarput. Siunnersuutit taakku illoqarfiit pingaarnersaasa marluusut akornanni ilisimasanik piginnaasanillu avitseqatigiinnermit periarfissaasinnaasunik atorluanaanissamik tunngaveqarluni pisariaqartitsinermiit kissateqarnermilluunniit tunngaveqarsinnaapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Nuuk - Issittumi Illoqarfiit Pingaarnersaat Nuuk pillugu Illoqarfiit Pingaarnersaattut Periusissiaq

Siusinnerusukkut aalajangiinerit

Kommunalbestyrelsi, 23.05.23:

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq

Inassuteqaat itigartitsissutigineqarpoq. Saaffiginnissut ataatsimiititani tamani suliarineqassasoq Kommunalbestyrelsimut aalajangiiffigineqarpoq, taamatuttaaq kingusinnerusukkut Illoqarfittut ikinngutigiiittut suleqatigiinnerup imarisassaa suleqatigiinnerullu malittarisassiornissaa Kommunalbestyrelsip isummerfigiumaaraa aalajangiiffigineqarluni.

Sanarfinermut Avatangiisinullu Ataatsimiititaq, 10.08.23:

Suliaq kinguartinneqarpoq. Ingerlatsivik qinnuigineqarpoq suleqatigiissutissatut suut periarfissaaneriniq siunnersuusioqqullugu.

Ilanngussat

1. Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqusissut
2. Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)
3. Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinnissamik isumaqatigiissuteqarneq pillugu nassuiaat

Punkt 13: Lukket

Punkt 14: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:30